



周益公文集二十二卷

省齋文稿二十二

宋廬陵周益公必大著

啓二

紹興二十九年

回新同官黃從事 石啓五月

伏審欽承丹詔來總青矜惟才華舉世以推高誼士
類望風而歸重恭以某官識明慮遠學廣聞多北闕
上書早結知於真主春官擢第亟傳道於旌藩亦嘗
分教於宗英乃復存司於侯類甫聽鶉音之革即觀
鱸服之頌某久後同僚忽勤執訊瑕丘甚拙正資董

相之通經至德何能更賴劉公之解事其為心悅詎
可文陳

回漂水唐宰 錫啓四月

伏審九重出命百里得賢錦素製而才優琴甫鳴而
化洽伏以某官懿行孚手卿^相削高^名播手縉緹將觀
展驥之能先試割鷄之手昔孔門高第多繇出宰以
成名暨漢氏諸賢或用徒勞而興歎蓋古以社稷民
人為重而此惟簿書期會之趨自非慈惠之師孰識
後先之序三岑未遠四長何慙其久矣聞風茲焉託
光豈謂蜚鴻之信亦臨羅雀^雀之門感幸則多喻言徒
費

賀李大夫 植自湖北漕移江東啓

伏審上節湖陰改轅江表事愈繁則才愈見地彌近
則春彌深成命初頒先聲已振恭惟某官道隆德盛
學富文雄杖策而謁軍門早効房喬之智受螯而坐
宣室修興賈誼之恩帝陞甫遂於對揚天語屢形於
歎獎剖符以去雖進取之甚庶乘傳而行知褒遷之
未艾曾靡淹於歲月果移按於封畿惟此外臺號為
要路竊詳稽於近比皆入筵於邇聯矧明公望實之
已孚而 聖主^康知之有素紫樞黃閣蓋方虛位以

待焉赤輓班倫是亦假塗而進耳某洋飄孤迹匏繫
微官將芘賴於卿雲稍激昂於儒氣莫陪縣令為漢
使之先驅當與諸生俟何公之行却其為欣頌罔整
名言

謝江東吳漕舉改官狀

英提舉學事七月

志在求賢方切緇衣之好名非出衆首膺華袞之褒
心感激而固深顏忸怩而亦厚竊以公論明於上先
王存歲貢之規私義行於家後世著月評之目明於
上則可助朝廷之治行於家則但為鄉黨之光此人
材榮滯之攸分實王政廢興之所繫於皇昭代有掩

前聞分道置臺豈特轉輸於饋餼乘輶按却是將甄
別於賢遇矧載郁於文風尤中嚴於學政維時十群
不越三章遊大人以成名時方競進占小善以率錄
舉則誰先雍齒封焉漢軍驚矣伏念某生而極陋少
也多屯道未見而迷方學弗成而筮仕言游芥水蜜
庇卿雲操行不足以率人詞章不足以名世懶書畫
寐發為弟子之譟騎馬醉歸常畏廣文之罵罵空縻寸
祿實愧初心誓將矻矻以窮年耻復栖栖而為佞固
非韞匱有美之玉庶免躍冶不祥金不汝瑕疵已為
厚幸在公鑪錘斯亦何名此蓋伏遇某官粹德尊朝

英辭冠古獻納將歸於通綴澄清荐誠於近畿文紀
埋輪外振使乎之職鄭莊推轂內推長者之心第慚
賈誼之才不稱何南之薦載念其趨風雖晚託契則
深先父聯名已列羊家之子南宮誠藝又為門下之
生茲居廵管之中役在推揚之數息榮參會驚鈍增
光知我者春煠初靡緣於紹介報之以瓊玖請申誦
於詩章

賀金陵韓帥啓

伏審輟臨北固來丑東郊厥德允脩膺^畢命保釐之
託惟民其乂賴居陳分正之功溫詔風馳輿情草偃

恭惟某官學皆自得道本躬行榮若辭章妙合璧聯
珠之句凜然風未挺渾金璞玉之姿惟聲猷居衆雋
之先故眷簡絕諸臣之右所臨官大厥問日彰鳴玉
其泉首冠荷橐論思之列奉瑄泰疇獨膺栢梁賡載
之歌至於振淹滯於三銓究源流於萬貨授之盤錯
鋒鏗益礪而莫櫻試以姤姤水鑑愈明而畢照內鎮
神臯之壤外綏南海之區開闢動民延壽化行於馮
翊投文逐鱗退之威著於炎陬方將入贊於事樞乃
屈荐臨於藩翰蓋大用必資乎詳試而重權莫越乎
居留非信而謹者不足以付管籥之權非剛而明者

不足以任兵民之寄宜聖上疇咨而弄印惟我公僉
屬以分麾十乘鼎來雖慰江東之父老三槐夾輔已
虛朝右之班聯豈待政成即聞王觀其才非秀穎迹
困飄流念昔備於屬僚幸獨蒙於眷顧茲塵泮水復
在下風以五經而授諸生有愧東都之文學作三篇
而選童子願歌西蜀之中和欣擇屋多名言莫盡

賀湯左相啓

十月

伏審明制揚廷首台正位暨湯咸有一德久合天心
惟說命總百官益符帝齊賚變調雖舊體貌加新竊以
奮庸固賴於四鄰注意莫先於元輔如群材之參大
厦獨倚棟隆若列宿之拱北辰孰踰魁望故舜重九
官之冠而周殊太宰之名豈徒疏曠之仰成抑亦簪
紳之絕擬於皇 上聖懋啓中興仰惟前代而迪厥
官方慎冢司之選爰立作相而置諸左必歸間世之
英忝惟某官道貫誠明運逢開泰蚤據康濟之學親
結聖神之知獻納禁塗備賢人之德業周旋政路裕
君子之經倫曩自籌帷延登宰席雖元功密運如陰
陽造化以難窺然嘉績外彰有歲月事為之可紀上
則五行之布叙下焉百穀之用成鎮撫蠻夷而疆場
自安招延豪俊而滯淹咸振賞刑並設勸懲各當於

罪功朕業交修總覈莫逃於明實至於獎耆英而敦
風俗薄賦歛以厚生靈成規恪守於祖宗浮費力
裁於中外相大庭之禮篇章預避於褒遷奏實錄
之篇謙德反推於筆削悉褻衆美度越前人且萬乘
之深知非辟工之敢望謂僕射百寮之首無官可酬
惟春秋一字之褒虛左以待魚言又屬渙號用敷就
陞上相之班永贊大寧之化文武之道識其大者方
將疊疊於蒼姬蕭曹之勛不足進焉夫豈區區於炎
漢某掌四恩顧遜阻師瞻茲拭目於黃麻彌傾心於
赤鳥壽域開而洪鈞轉重歌韋賢拜相之詩祥風翺
而和氣游願上宣帝得臣之頌其為欣抃實倍等夷

賀孟宗丞除江東運判啓

伏審璽書中出金節外移千里長淮南離舊治六朝
故國已及新疆光華增於一時賓餞交馳於兩境恭
惟某官道該儒行學詣聖真少日懷鋁預慕兩朝
之信史盛年結綬入修三格之新編重從雞翹遽辭
龍尾以典郡則循良之効以察州則飛廉按之聲駟
駱載驅宣勞惟舊豺狼當路悉力以除既仁者之勇
聞宜從手之責塞近畿劇部以酬文次之庸禁路清
班即奉造歸之詔某讀書甚晚從任數竒竊伏海濱

聞公子者舊矣久逃空谷聽足音而疑然况以徵官
為依厚庇曳裾有路固常輕萬戶之封折轍無長恐
未免衆人之遇其為欣悚交集襟襟

謝提點李直閣

植薦舉啓 十二月

環九路以掄材豈無竒士紆數言而削牘乃及腐儒
衆以為榮心焉有愧竊以知人之法自昔所難引類
之方於今尤弊羊質虎皮之莫辨駑才驥足之並馳
游揚多藉於先容囑託更資於奧授乃以有限之數
而應無窮之須三沐三熏求之固未易矣一與一否
舉者亦惟艱哉必將少振於頽風莫若力持於公論

戒心匪鑿誣可形逃仁者樂山豈容力拔惟知此道
皇恤其它恭惟某官望重儒林勲高霸府飭躬以有
用之學應務以不群之才自賦命以登車每盡誠而
推轂未處棘槐之位先成桃李之陰孰謂膺門亦容
噲伍伏念某制徒好古材不逮人小知自私絕望紆
朱之樂大方見笑其心尚白之謫一涖芹宮再徂芳
歲菊荒舊徑時夢於刀頭乃發新研實慙於錐末比
緣天幸獲蒞霜臺區數月之間財能免咎役役衆人
之後安所取知忽形論薦之言莫測賞緣之自雖品
題斯誤三復多慙然受授之公兩皆無歎某敢不深

思國士之報少達古人之風同薄命於史談敢嘆周南之滯遇賞音於伯樂憤令冀北之空

紹興三十年

賀王同知除

啓 正月七日

伏審廟美成功幾廷惟民惟懼決勝千里運籌專倚於子房文武為憲萬邦受社敦先於吉甫雖不移於兵本實增竣於民瞻竊以象著西桓將相對分於四輔色齊北斗魁樞首冠於七星於赫 聖朝仰稽乾度盡以韜鋒之柄總之有蜜之司昔嘗兼掌於相臣今乃獨釐於院事求懿德而肆時夏方永保於橐弓

惟吉士而相我家茲共圖於立政恭惟某官潛心聖學冠德民彙孟軻之傳得其宗伊尹之覺以此道總繆異眷翔翥要津自參華於豹尾之中即稟務於鳴樞之上助宣七德坐閱累年借著於前有謀猷而必告積薪於後無喜愠之可窺逮疇久次之庸始正通知之拜屬

聖上擇人而絕慕繫忠誠憂國以忘家抗疏請行漢廷臣無出右者奉書歸報古虜使其猶劣諸將宅揆於元日姑升班於右府使國人家有所式豈惟中外之聳觀示天下弗復用兵蓋亦華戎之未賴某受恩

殊厚闡命祇歡方局趣於芥宮阻進趨於材館高山
仰止幸再逢巖石之新一葦杭之母使歎瀛州之遠
其為欣懌實倍等夷

回漂陽蔣宰賀年啓

杓攜龍角日會諏訾帷特慈惠之師宜介靖災之福
恭惟某官一同任重三異政殊宣布寬書俾民編之
交秦蠲除宿弊隨歲律以日折新道既方亨慶將焉
往某居然在泮邈矣登門擣藻甚華想夢謝池之草
尋芳伊邇遙瞻潘縣之花善頌攸深文陳曷喻

賀邢倅

考肅

啓

詔檢中須屏星夙駕贊管籥居留之尹屈蓬瀛寓直
之僊望實所加花倪交慶恭惟某官英規王之麗藻
瓊敷長缺短繁事業竝風騷之將朱輪華轂功名非
息澤之侯方時在戚而右賢力革外輕而內重故資
雋望詳試民痛蕩議秦淮聊復問津於半刺若堯魏
闕即倍奉引於拾道某積歲傾風指期託托願與紛
紛之振鷺共親豐豐之談犀欣頌交深喻言曷既

賀蘓倅啓

陪京地重別駕官尊任既得賢人斯交慶恭惟某官
熙陵勲臣之裔元祐儒相之孫慷慨功名固嘗自許

淵源學問寧愧家傳次茲人物之英宜在羽儀之列
云胡外補猶滯右遷蓋惟魏國之賢早著江寧之政
故迂泥軼未訪耳棠海沂之賴王祥以資佐理宣室
之思賈詡即聽逆歸某才不如人任惟竊粟念傾風
之甚又喜披霧之在茲豈特區區仰藉憐矜之庇亦
將纏纏款聞議論之餘欣幸居多指陳曷喻

謝金陵師韓尚書啓

二月一日

剛嚴少許人爭冀於澆竒薦舉有名息首加於紆等
欽為公選實激懦衷竊嘗屈指於先賢孰不垂情於
後進然汗簡編靡之可考惟華宗將拔之為多舉虛
遂而進臧君世稱安薦崔生而引嚴武時重朝宗咸
知鄧暉而談以子孫或識西遺而遺之器弊既奕葉
素高於風鑒宜真材復振於家聲儻非宰仕路之英
寧許上公車之牘如其者直非鄂鄂訥甚期期居貧
微指廩之交處衆之容卿量放書臺於東觀勇愧除
蛟回俗駕於北山心慚怨鶴竭游半水坐閱再暮無
五經之縱橫可為模範有二釋之簡忽徒致謗憎職
以曠聞分宜罪免竊幸荊州之識俯憐絳敷之庸爰
自下車即形慰藉逮茲推轂更誤品題永言待遇之
殊初匪黃緣之助此蓋伏遇某官功高三傑文唱諸

儒曳履中臺獨厚龍淵之賜擁靡南海載揚鯨水威
聖神嘉鯁峭之資內外著虔共之譽吾用休而安社
稷將踐政塗王錫俟而榮茹章荐臨藩服每惓惓於
庠序尤汲汲於俊髦何取迂遇乃加襃拂蓋以鄉閭
之非遠且於姓氏而可推東魯大邦寧許鄭田之假
弓高遺族未忘周烈之餘用盡千載之盟加賁一言
之衮其敢不紳書厚德鞭策凡才聘賢士以廣謀既
辱長公之薦召陋客而說禮終酬祭酒之知

賀洪景嚴除內相兼吏書啓

伏審進儀內相仍長中臺夕對金蓮結綵約而承聖

問晨趨玉笋曳革履而領從官自非兼孔氏之四科
安得被賀公之兩命竊以翰林近華蓋素號恭嚴文
昌映紫微是司喉舌自昔法天而分職於今弄印以
掄村緊國名儒應時遴選既兼官之俱稱宜上象之
交輝恭以某官學富家傳材優天授徧觀流豈啓徒
窮九丘八索之淵源洞察幾微固已孰六狄五戎之
利害早振平臺之響即符宣室之思譽滿朝端譬之
鳳凰芝草以為美瑞才周世用非儒生文士止有徧
長三八修門九遷華貫帝王之制垣然明白寤揚聞
於西垣道得之威成手安強亦宣勞於石府戎疇久

唐益公集 卷之十一 賀都總領
次宜昇殊遷自丞郎而如北門考院規而無倖辭佐
貳而陞太宰即選部以有光一時傳陸贄之詔書多
士賴山公之啓事矧如先正久暴大忠半世龍庭猶
握尚書之節浹旬鼇禁莫真學士之除幸天定者亦
一能勝人故善積者必有餘慶是開賢曹來踐世官
繼處內庭踵贊皇之盛事並經常伯掩謝氏之前聞
行繇供奉之班立筵疑承之列某雖登門之日晚辱
解榻之意畏膏伐永官方愧務進於馬牛之走控姦
伸滯遽回便聞於馮鷲之行曾未敏於感棕會來陪
於賀客道古今而譽盛德非以為諛裹章服而揖上
官是去藉乎永言欣感難罄敷陳

賀都總領察啓

伏審分職地官疇糧天塹九霄觀象使星即宿之交
輝十道披圖江表淮儒之並總選除甚重倚信可知
恭惟某官學粹而才雄氣赫而氣勁棲蓬遠郡如鳴
鶴之處陰凌厲周行若蜚鴻之漸陸厲嚴助厥承明
之直顧壽昌高平羅之才爰輟小銓往臨近甸授田
中率既首應於褒書攷績及期更誕預於罷命內幹
左曹之賦外司土壘之儲錄帳過都諒膺盡接綉衣
夸里寧歎夜行方將宣渴口之威何止實關中之粟

周益公文集 卷之三十一 一百三十一
其孰誼聲於士論聆政術於官塗惟令臺治之所臨
實許板官之先賭王人在諸侯之上行現多儀談士
輕萬戶之封幸符夙志其為闔澤未易數云

謝除學官啓

四月

二年在泮席既煖而安馬一命登幾毡雖寒而寵矣
亟別驚猿於北隴未窺振鷲於東隼遷不以功望非
其素於今昔恢崇於學校蓋國家教養於賢能並置
明師既先之以道藝旁分衆職又輔之以規繩或汲
汲於作新或孜孜於掌故將欲得成而行立茲庸事
知而曲防不有儒先敦庸官使如某者立身多難賦
性下愚知修能矯節之可為故寒步薄材之難強文
史近手卜祝况未足於三冬詞賦寶於倡優偶見收
於一第倚斷斷而無技常兀兀以窮年昨誤甄陶外
司黷舍身免折腰於五斗息容攘臂於三鍾青出於
藍居有後生之畏玄母尚白屨為弟子之嚮坐閱歲
華行終期成分耳斥鷃翔數仞之蓬蒿望絕翠蚪檄
九閩之膠葛屬伯樂方空於冀北憐史談獨滯於周
南俾綴英遊遂頒號召觀道得於前後幸倍多士之
間計班資之崇庠敢謂百寮之底幸之至此誰則使
然茲益伏某官格帝勛高求賢志切已底亨嘉之盛

益躬吐握之勤厥亦惟我周王方賴以寧之多士時
則有若伊尹每懷不獲之一夫故賤微弗忍於遺忘
而巧拙或容於雜其敢不仰銜化府策情媮助國圃
維固有慙於躬率奉規五等當毋廢於司存惟曠職
之可送結酬知某未晚

謝循文林郎啓

七月

繫官於朝誦儒規而未熟積日曰閱因選調而稍遷
功歸鑪錘之間感溢瓶罍之外某聞大言則望大利
賢者所以事君小才不離小官衆人所以崇日故傑
士必路於要路而容流皆踵於常塗惟其兩適於器

能是以各安於分義復念某地寒身賤才薄忘早學
昧淵源如斷港絕潢而焉用文無根柢惟分章摘句
以自娛入仕十年涖官三考稟資罷軟既不能陳刀
以赴功受性昏蒙又不可疆心而為智以茲歛板何
所取材聖國廣大之秋賢相招延之際逢陳如此忍
自投於寂寞之濱摩戲以須終不越於拘攣之表誰
謂化工之和氣刀回冰谷之寒暑已容列屬於學宮
更許墜資於銓部依流平進固小道之當然校短量
長捨大鈞而奚自此蓋伏遇某官儀刑姬且左右周
成如碩膚之公孫而無狼跋之虞贊太平之君子而

亨亮醫之治上則賞誅有序柄用八以詔王下焉廢
置何心歲歷三而計吏雖名一藝猶玷七階某敢不
念寸進之難戴曲成之造無堪而等聾瞶愧莫効於
犬鷄畢命而守階墀願常陪於鸞鳳過此以往未知
所裁

上宰執啓

八月

某生而孤露長困饑寒間於糊糲免事頌槩稟資既
鈍用志復公徒竭謏聞知微片善常欲擁醫門之篲
挹瀛海之波庶幾鍼砭膏肓露濡枯槁顧以人微而
迹遠居然志切而願違豈謂相公矜椎魯之無能念
依歸之有素驟從外服收實中都已數許其望塵更
喻令其投贄歸而三省逮此四句與其逡遁而干鈇
鉞之誅孰若綴緝而取範模之正用裒翫散上瀆頤
融先索甚榮雖辱知於相國陳篇是獻懼見斥於宰
臣加以摺注盈編重輕失叙曾無一可稱之語難道
五不韙之愆屬近遂於嚴瞻重再干於實贄輒憑尺
牘粗述寸誠干冒鈞嚴不任震懼

謝除館職啓

九月

從國子先生之後六見月書筵集賢小職之間再承
天詔未壓璧池之浴德已容玉海之親珍茲惟造化

之功深夫豈凡庸之夢到竊以置圖書之府歷代所
同號英雋之躔明時尤重蓋彼徒誇於興藉而此無
貯於人財雖預宴賦待遇幾同於兩禁而進階廢職
受憎或出與一時繇居官不責其有為故流俗竊疑
其無用豈知封植拱把者所以備明堂之棟寶藏璠
璣者所以成清廟之彝但觀累朝傑出之資可見三
館養成之効欽惟上聖懋啓中興臺計十金未嘗
賁飾府模群玉乃獨昇新隆樓傑字之干霄隱帙奧
篇之插架上追淳化大書開祕閣之碑蜜契皇唐南
面對憲臺之戶譽髦斯士宏達為群必翰林墨客之
俊才識竹簡漆書之奇字馬書五尾能辨其非亥有
六身默通其數迺宜當於清望且不愧於素餐如某
者少日百罹長年一第悲栗鍾之弗洎固當屏跡於
民廛悵菊徑之就荒仍復萌心於仕籍試吏未更於
州縣入官輒近於都畿何有聲稱副諸大夫之深獎
居然號召綴百執事之下陳雖畏馬之智專曾犬雞
之効之所憂被譴反辱見治矧臺家復古之秋正館
殿負之日必使上北門之對乃今窺東壁之光甫下
新書封武都之泥紫遽尋舊習忙舉子之槐黃裏草
服以宵興抱槧鉛而晨入餐錢供張固無露索之特

涸思蕪辭幾有倒絢之笑粗殫薄收僅列奏篇凝旒
心恕其空踈當路面稱其拙直河東賦就吹噓力致
於上天宜北風高決起遂逃於控地以凡骨而預飛
騰之數以寡聞而聯是正之曹佺倖既多阻愧亦甚
昔劉晏能譏於朋比而耀卿善屬於文屬皆以童童
振茲清耿慨漸衰於蓬鬢難遠斷於芳風茲蓋伏遇
僕才相公鑪冶錡頑雲雷濟物奉行故事方將糠粃
於弱翁刊落陳言每欲網羅於韓愈善類願忠而望
賜誠心校短以量長何取藹涼使參峻艾隔弱水者
三萬里示以津涯登瀛州者十八人進其步武正唯
唯蹇訥莫斛感藏某敢不稍究六因推九寫願李邕
之一見肯務近功支孔子之多聞妄希遠器或因涇
養之力粗報生成之恩

汪侍御頌德

某官節勁而氣和才全而德稱執憲浸更於三院注
懷方厚於九重以崇言玩議砥柱頽波以大用高文
主盟吾道眷言孤跡猥冒殊之深嘉婁歎於詞場較
藝之中右挈左提於學者効官之際隔弱水者三萬
里示以津涯登瀛州者十八人進其步武正唯蹇訥
莫叙感藏

洪內翰頌德

某官代襲儒宗望隆邦哲泰山北斗異時天下之三
洪常伯名即此日臺中之二妙久徊翔於禁路行勵
翼於政塗爰擢甚古之雄文式訪當今之急務隔弱
水者三萬里示以津涯登瀛州者十八人進其步武
遂逃飲墨未覩汗青

楊內翰頌德

某官閭世鴻儒奕邦壽俊草元奏頌真今日之淵雲
裁詔司戎號內廷之頗牧文持從橐行秉政機垂紳
窈窕之禁扉注日槃姍之窘步隔弱水者三萬里示
以津涯登瀛州者十八人進其步武遂逃飲墨來賭
汗青某不稍究六書因推九寫念張籍學書之替未
感增懷徵崔氏美庄之荒終身圖報

試館職謝洪內翰楊內翰小啓

九月

某性資甚鈍學殖浸荒北叨號召以以試言方懼報
聞而貽誚襄回既久冒昧以前誰意熏慈由憐叢品
厚於為禮怒以命題深知橫潦之無根靡貴淵源之
有考迄緣假借僅獻狂愚點化切深乞西山之靈藥
扶搖勢便度弱水之迷津人或謂其至榮心敢忘於
所自屬齊祠之未竟加謁制之重喻布武莫皇臨文

知愧徐斬荒唐之語別陳感謝之私尚望明高俯垂
矜察冒瀆嚴聽伏須重誅

答徽州巫推官啓

列屬西庠甫接諸儒之武分光東壁遽披四部之所
慙非騎氣之姿何自綴駭驚之數忽辱騰緘之况乃
知推轂之繇此盖伏遇某官質峻而氣赫名高而實
副稟秀僂茅之壞素挺竒材泛蓮道院之邦益昌遠
業方屬急賢之且即頒迅召之書俯眷疲庸賞承緒
論借以榆楊之助進諸英雋之躔永能一通噓噓之
言少伸謝臆顧乃三復翩翩之記增激感悰惟誓珍
藏以為永好

謝戶部張侍郎舉自代啓

書林退縮苟安無似之蹤禁路推先猥上不如之奏
盖高誼曲敦於先契忘孤生難繼於後塵遂以名聞
駭手衆聽竊以九官相遜姪自虞廷三日舉知盛於
唐世然必事業功名之相亞與夫輩流位序之非遙
故當授職之初可致讓能之義乃如今日允異前聞
明公以絕讓材而某性資甚下明公以老成宿望而
某爵齒卑竊伏三思殆無一可特以誰父瞻承之舊
昇之一片言獎借之榮雖上臣事君以人不暇賢愚

之問然他日居吾此位實漸期待之優此蓋伏遇某
官厚德端朝精心昭理粒民敷教方將兼履契之功
富國強兵寧復用管商之策行繇卿貳交秉政機款
助成歸厚之風故垂卷甚涼之品廣陽秋於皮裏所
憂仰累手否藏薦伏擯於省中更恐誤知其學術某
敢不銘藏至意鞭策凡才未四十而為丞即決無此
望從三千而為弟子勉在下風

賀汪參政啓

伏承竣事行管奮庸近弼徐方不回而歸休父酬耆
年節制之功袞職有關而補樊侯贊萬世保衡之業

宸心所屬民譽則同恭惟某官惠和忠肅而極之以
誠敏達清明而篤之以學望其風未稟名世之巨材
發以詞章驚前人之逸駕維是規恢之大固宜進用
之難天方佐於我家帝親知其國士拔之冊府付以
憲臺凡上前獻替之嘉謀皆天下安危之至計適
文王有檢狁之難正切焦勞顧李愬帥鄧隨之兵尚
虛統督一言辰告千里暑行雖逆順不同虜有當亡
之理然強羸相絕我無必勝之資况驅荆襄不教之
民中控吳蜀相望之勢乘方鳥合虜則鳴張甲戰而
乙乃還北攻而東已急指麾諸將激勵群豪赤二千

周益公文集 卷第二十二
二百三
亟於韓信青兵三萬發獲於左賢辟胡由是以大奔
故地乘時而漸復人惟求舊既望實之久浮賞不輸
時亦勲庸之當報茲惟古誼抑有成撫盜滅其陵彥
博入登於宰席使未西夏仲淹歸贊於樞廷不圖仁
祖之前聞乃至紹興而復見其辱知甚厚在治有初
上馬從軍揣已昔慚於不武懷銓抱槩期公力致於
正平欣頌之懷編摩莫盡

省齋文彙卷第二十二

周益公文集第二十三卷

省齋文稿二十三

宋廬陵周益公必大著

啓三

紹興三十一年

謝改官啓 五月

黃本讎書已濫中於祕府赤墀拜秩更寓祿於審官
省功狀以蔑如承命書而愧甚竊以陞遷之典莫謹
於 聖朝考覈之規具存於文部自仁祖肇增於薦
牘而元豐大正於官名法既一成時無他覲惟入服
王幾之采乃獨殊選調之人既不假於薦駁復稍裁

其考任以此待英髦之士誰曰不然如其容鬼瑣之
流斯為過矣伏念某掖衣自奮戰線何施欲扞塞乘
邊初乏蹶張之勇將圖功慮事顧微心計之優其為
盛世之裔儒勉蹈古人之陳跡若堯鴈塔昔聯千佛
之名窈窕麟臺今接群仙之武猗無薄之積有厚顏
鸚躍蓬蒿竊自安其小大鳧飛渤澥迄何繫於少多
茲參滿歲之文越進在京之秩雖云極陋敢昧攸歸
此蓋伏遇僕射相公該輔簡乎帝心奮庸孚乎人望
有伊尹之一德上格皇天眡成周之大寧旁求多士
肆容平進例獲次升其敢不仰服官榮俯安戢守念
無功之可錄幸一進階誦有德之必醜願三致志過
此以往未知所裁

史院上提舉僕射相公啓

共承某官以經國之謀贊視師之舉君臣協德靡辭
區薄之勞夷夏歸心佇獲廓清之應某自惟庸懦辱
在屬僚仰睇篆車莫備揚之御暫違赤寫徒勞赫赫
之瞻方屬初寒敢忠善頌願厚鼎首之輔益緩福履
之和

紹興三十二年

史院上提舉僕射相公啓

驟違英袞俄易芳年自惟託迹於甄陶寧不傾心於
夙夜今者杓攜龍角日會諏訾當國家正朔遠布之
時實輔相年德加新之際中外舉勤於善頌神明必
介於殊祥某既未容陪賓客之後塵又不敢修慶賀
之常禮茲因尺牘粗述寸誠和氣熙春賴宗工之鈞
播東風應律知殘虜之冰消迎拜尚遙坐馳更切冀
慎鼎茵之節式符夷夏之瞻

際察官回福州王尚書啓

讐言四部之書久迷魯魯糾六曹之務驟玷龍光揆庸
懦以無堪殆寅緣之有自此蓋伏遇某官望隆壽俊
世號儒宗填撫藩方虞紀循良之績論思禁路居多
仁義之言既班聯居近待之先且闕闕在諸公之上
茲逢新政乃眷舊人竚秉執於事樞以輯寧於夷夏
某追惟先父嘗附魏科米容布武於前榮何敢通名
於執訊木圖謙德遠賜柔為冒選擢於公朝已踰其
分勤褻稱於耆德益重厥愆惴惴在中云云奚盡

回新邵州李守 元老啓

公安冊府都忘歲月之遷恩徒憲臺大懼寵靈之過
衆方譏笑公則吹噓載窺春藻之華更切夏畦之病
恭惟某官兩朝大丞相之子今日南諸侯之良廢以

周益公文集 卷之三 書三
儒猷知傳家之有自施諸侯政術喜繼美之無忘去
思甫切於清湘因任再勤於隣壤兩邦父老雖渴見
於朱論九陸班聯竚歸持於紫橐某自惟晚輩尚職
諸昆慕巨室之多賢矧叨契好歸靈光之獨在彌想
儀形方期家國之榮宜適鼎茵之節乃如悃悃未易
指陳

回吉州張判官啓

披風未遂蓋或有時往記不先豈為無罪敢謂謙冲
之至遠勤翰墨之臨使知託契之所從加以嘘枯之
過厚開緘三復省已多慙共惟某官義槩根心儒猷
飾吏仕將行志顧擇於崇卑才遇可為初不論於劇
易參釐郡政藹著毗諶少湏歲月之間即步雲霄之
上某遐瞻慕府預英游揚善推賢雖抱惓惓之意挾
山超海第憂憂之難愧仰兼懷喻言莫盡

答平江沈侍郎介啓

內出左符起臨右輔吏民黿見條教夕聞恭惟某官
備九德以節躬涓寸心而許國修內三入進以正而
甚崇諫匪萬言去未幾而輒驗茲逢新政乃春舊人
親盼一禮之書首寘諸侯之選誅狐狸於七日士知
繩墨之難踰汰鴈鷺者有曹民嘉銘箎之坐絕袞方

待補公盍來歸某父遠賓榮常依德字長殘倒拜驚
看春藻之華咸禮逆施愧甚夏畦之病其為感激豈
易敷云

答葉伯益啓

一年抱繫無補公家六察聯華更慙僉論推本叨踰
之自深知假借之私此蓋伏遇某官學擅儒宗望隆
邦雋聲猷日茂親承太上之知議論風生高出群公
之右久秉屢書之筆竹真三字之除胡為厭承明之
廬顧乃在諸侯之選載疇治最雖旋膺臨遺之榮仰
撥宸衷恐即有召歸之寵遂繇禁路進貳政塗某迹
遠門墻心壞德誼曾尺書之未達已華翰之先臨愧
荷交深編摩莫盡

除左史答胡守陳阜卿啓

分察南臺初無一善參華左掖豈有三長壓上命以
欽承酌興言而內愧北蓋伏遇某官望隆邦哲才號
吏師搢紳之所範模旒宸之所簡注河潤九里可令
枯朽之舍滋袞袞一言坐使駑貍之增價遂容伍畢
猥預書言尺牘未馳正以京塵之汨沒長淺見及之
知郡政之優游感激在中敷云莫盡

答洪總領迨啓

裏行旁列旂鞬線以無庸侍立螭頭結紉絲而有愧
靜言所自推乃知此蓋伏遇某官哲以爽邦德惟輔
世並包衆善非偏文士之長恢廓宏圖可大賢人之
業眷惟三傑實萃一門叔中飛騰已迭居於載筆聖
神幕紹宜首趣於親圭屬邊遽之尚驚顧軍儲之尤
重與其屈張蒼而為柱下之史孰若煩蕭相而餉關
中之師致此妄庸暫茲承撮未展事賢之禮俄被執
訊之書讀莫辭於方冊之間師承惟舊藏尺牘於巾
箱之內榮幸則深其在感悰曷勝言喻

回江東葉憲

謙亨

啓

伏審親簡眷知進聯禁直下璽書於劇部固知使指
之增華記閣老於西臺猶恨寵章之未盡顧私心之
所喜以公道之浸開竊惟士大夫不吐剛鮮聞近日
部使者不桀吏蓋亦成風上方力變於情媮公則首
膺於褒擢共惟某官學貫六籍文成一家以言語侍
從之流任原隰馳驅之寄三尺從事何彊禦之云六
條察州聞姦藏而輒舉當宁深嘉其直諒滿朝箏誦
於澄清望貽謨之門茲焉通籍直玉堂之殿行矣擣
文某阻閣箇馮瞻依蕩輔鄉繇尺牘略寓於懽悰逮
辱長牋殊深於感臆其如悃悞豈易敷陳

月五公集
卷之三
三
回洪帥鄧直閣 啟

祇奉詔除游膺閫制任一道兵之責寬九重宵旰之憂共惟某官重厚而疏明端方而樂易學皆有用不為泥古之空言政本無私每著裕民之實効屢奏藩方之最進參藏室之華全修庭戶之間流風可考身在江湖之上雅志難忘即歸踐於禁塗以茂擗於賢溢某方圖展慶先辱摛詞仰謙德之勤渠激懦衷而悅懌

隆興元年

奉祠歸廬陵答吉水羅朝請 葉恭 啟

月旦評高服膺久矣風舟山遠極目惘然茲直散以未歸幸親仁之浸適恭惟某官以旁搜遠紹之學濟中垣外莊之資冠映儒林最為先達同旋仕路亦號老成夫何進取之廉猶緩疑嚴之直朝多虛位公可騰裝某死檐云初達亟未泉隔千里而共明月方期適兩閣人之心烹雙魚而有素書乃首勤十從事之况其為愧感未易較云

答安福路宰 植 啟

族大而才流閭惟舊政優而近渴見益深顧方從山鹿之游未暇往雲鴻之記荷高情之異甚屈妙語以

先之共惟某官躬受雋明世傳清白凡人所難而我
獨易蓋才刃之無窮其譽滋著而位未克特主知之
有待政已成於雷土寵即荷於天衢某竦聽合符首
期傾盡適屬三秋之杪尚調六氣之和

賀湯榮公赴召啓

召還充寫對掌鈎樞弁之賜位之尊昨以諸公之貴
雖王曾再入姑循景祐之舊章而曹相定封實處鄴
侯之前列制書一下歡頌四馳某聞時不易然乃鑑
基之當守歲如晚矣何觥飲之能須若置棋自有後
先而芸草必瞻內外一失某序孰成厥功憶敗亡之

虜將歸方戰守之機未決獨公抗疏於居留之際為
國矢謨於閑暇之時曲突徒新當日無聞於恩澤風
凌雨後未知託於旃懷恭惟某官絕識鄰幾孤忠拔
萃出緒餘而應務人莫能名竭悃幅以事天其知我
蚤厥隆於相業文慰愜於民瞻事有從違時存用舍
然勁節自不改於雪霜曾楚浮雲果何傷於日月逮
茲委重初不辭難言念比年適逢多故枝非越人不
足以治衆疾力非烏獲不足以勝千鈎然而廷議靡
同敵情叵測師已疲而解嚴尚遠民既困而趣辦方
興明良都俞固屬一堂之默運䟽附奔走亦資百執

之贊成顧堯堯者每嘆難全而碌碌者豈能成事封
大夫於即墨毀已日聞補衮職於仲山愛而誰助正
資碩望力制頽風照之以蕃龜之名何邦誣之能惑
鎮之以山獄之重俾國勢之漸尊庶幾暮年馴致大
治微管仲其左袒矣豈徒銷猾憂用仲尼為東周乎
且復有變夷之望某一從陪侍即辱之憐方幽屏於
田間乃迭傳於典策嚮也家此爵位本將軍之門今
茲譬之宮墻不見宗廟之美但同野老永託化工

又賀再轉左僕射慶封慶國公啓

冊告大廷位升上宰持兩朝之魁柄得君欣如彼之
專易西土之公至積善啓有餘之慶服肱既喜蓼藿
何憂蓋聞收功不世者必存先定之規揆策未形者
寧免不齊之口既極溺救焚之際豈談何畫餅之時
謀夫孔多當有執其咎者幾事不審得無害于成乎
觀姬公之輔周暨子產之相鄭或動流言于四國或
紛興誦於一年使無堅決自信之心而作因循苟全
之計京何特無奠枕鄙昌日而有草屣吾君念昔
人慮始之艱求彼相圖今者折衝之要其誰有一德
之享繫我不二心之臣才之全而識之精既越拘攣
之表任之重而恩之厚遂居輔佐之先雖云舊席之

還時乃首廳之轉恭惟僕射相公舜廷弼直魯國需
真再翊萬幾之繁侵成晷月之化論精神之運固難
形容考施設之方或許誦說蓋鎮物重踰於鼎而决
疑明甚於著龜義在敬王故陳謨而至切美存報上
故任怨而弗辭帽邦財期力贊儉圖裕民刀財屢頒
寬令登幾一命悉儲可用之材授鉞諸軍潛易不能
之將內脩若此入告可知必將康兆民以蹈成湯之
蹤格上帝以率伊尹之職期天人之協應乘夷夏之
僊耒一舉而空朔庭大漢之威以振五遷而治商虜
先王之烈其從此君臣素定之經綸豈中外能窺其
髣髴及功成而効白白心駭而禮駭焉其十五年陶冶
之中二千里門墻之遠化功之蘇群稿其如遇閭之
揚大匠之無棄材自歎難雕之木但深欣躍莫寫依
歸

與趙題舉察院 渙 啓

從童子六七人於鄉校已觀詢度之駟負才名三十
年於外臺未釋澄清之轡豈聖主顧憂於南土抑明
公心樂於舊游雖慰此民其如公論恭惟某官忠清
表於當世間學窮於古人居憲府則分察之譽高定
明堂則諸儒之議屈考正元之士大用已多獨惟魯

還時乃首聽之轉恭惟僕射相公舜廷弼直魯國需
真再翊萬幾之繁侵成朞月之化論精神之運固難
形容考施設之方或許誦說蓋鎮物重踰於鼎而决
疑明甚於著龜義在敬王故陳謨而至切美存報上
故任怨而弗辭帽邦財期力贊儉圖裕民刀財屢頒
寬令登幾一命悉諸可用之材授鉞諸軍潛易不能
之將內脩若此入告可知必將康兆民以蹈成湯之
蹤格上帝以率伊尹之職期天人之協應乘夷夏之
僊耒一舉而空朔庭大漢之威以振五遷而治商虜
先王之烈其從此君臣素定之經綸豈中外能窺其
髣髴及功成而効白自心駭而禮驚焉其十五年陶冶
之中二千里閃墻之遠化功之蘇群稿其如遇閭之
揚大匠之無棄材自歎難雕之木但深欣躍莫寫依
歸

與趙題舉察院 渙啓

從童子六七人於鄉校已觀詢度之駟負才名三十
年於外臺未釋澄清之轡豈聖主顧憂於南土抑明
公心樂於舊游雖慰此民其如公論恭惟某官忠清
表於當世聞學窮於古人居憲府則分察之譽高定
明堂則諸儒之議屈考正元之士大用已多獨惟魯

國之儒外庸屢忒間嘗須於壘獨顧猶待瓜時中外
合辭皆嘆後薪之居上謀猷趣告即聞夜席之盡前
某文此庇身幾於閱世帶疑之榻具尚遠願辭達商
浩之空亟所愛謬誤其如依鄰未易敷云

與趙贛州公稱啓

舊聞暴公子如相見於古人頗識韓荊州蓋屢哦於
斯語今依庇不違於數舍豈懷賢敢廢於一緘恭惟
某官學術足以康時威明長於治郡方蠶尾遙毒之
後親平贛水之瘡痍暨佛狸窺江之秋力固朱方之
屏蔽又勤批卻姑聰疑香紛然十邑之兒童爭迎吾
父壯矣鬱孤之臺榭重得主盟顧方倚於宗彊諒難
稽於王覲某狎漁樵於故里在封城之下流日逢鷓
之過歸首望匿犀而雅拜其為瞻頌實倍等倫

答林教授仲熊啓

數父執於慈恩之塔踈若星晨訪耆英於通德之鄉
凜然霜幹雖千里猶當命駕豈同州而廢馳辭恭惟
某官儒行配乎先民詩名聞於四海一行作吏非無
意於致君再轉為丞乃不容於當路惟薰醲浸溼而
道彌廣故猷憾挫握而身益尊盍不歸未適逢西伯
之善養輒思免去俄遂曼容之自修其廉清可以師

唐文公集 卷之三十三 一百四十一
鄉閭其進退可以勵風俗是為全美寧待謏言顧方
注想於九重看即召陪於五叟某遙深聞足之喜適
困未薪之憂相鳩杖之從容獨妨先睹望龍門之茂
業敬卜後期區區所懷喋喋徒費

答永豐張丞 茂遜 啓

伏審遠銜王命參治邑民喜動閭閻威行鴈驚恭惟
某官地望華顯天資雋明再為丞而處之恬然一得
召則進也銳矣迨茲暇日及彼同寮緇澹嚴之責大
明家學式瀧周之故壠少慰士心非俗吏之能為搭
名流而誰望未皇准記先辱示音俯深感愧之懷更

切瞻承之願

啓武罔趙知軍 伯璋 啓

時稱虎榜恍驚四紀之周齒以鴈行夢想兩家之盛
雖南北東西之相望而死生契闊之不同陟彼帖以
興悲偶存餘息仰高山而結戀豈在他門但知輔蓋
之守邊未省驂駢之稅駕豈謂先君之及由憐不肖
之孤屈輩流而賜華緘感今昔而陳至契載窺節重
增激主臣恭惟某官清醇忠厚秉之天問學才華傳
於世早陪雋執擅政駿之聲名安步仕塗養罔平之
德望佐群宰聞於善教為邦不愧於古人夫皆曰賢

已記中書之籍公鄉選所表即頌內史之方某及茲
俟駕之時頌作執鞭之計里仁為美况當雞犬之相
聞父黨無容何必雉居而後見春陽駘蕩玉體冲和
新加厚於寢羞痛下符於頌頌

隆興二年

回永州葉守

程啓

蔭縉紱於闕下熟觀少尹之威儀被揆襖於田間逖
聽大邦之誼頌屬長羸之甫屆諒福履之反緩恭惟
某官學富源流才戡盤錯早濟石林之美浸承文陛
之加知差擇登教贊京兆三王文政選倫出鎮開陵
零萬石之祥惟猷為左右之具宜故中外褒遷之甚
寵承宣厲耳威望隱然必酬督刺之庸誰出君侯之
右某二年執別千里傾風未能泚記於江潭徒想凝
香於燕寢敢期謙厚猶念衰窮十人分治於私書絕
知敏手一介遠勤於行李深愧高惟情感激之在中
非指陳之可喻

回洪推官

燿啓

考氏族故家知冠江東之籍事鋤犂於舊隱喜逢慕
下之賢雖車蓋之未傾已心旌之先曳伏惟某官才
猷夙蘊儒雅自將應劇繁若間暇之時居州縣無淹

回之難武昌之號多士正繇佐吏之才渤海之為水
衡寧後功曹之拜某未皇削牘先辱飛緘坐深愧感
之懷行遂瞻承之志

與龔守直閣濤啓

伏審初反牙璋重分銀菟二千石真秩視使者以為
優三百里諸侯豈炎方之可擬主知異甚民誦歡然
恭惟某官規恢難以小知智略期於大用胡塵瀕洞
猶長嘯以拆衝嶺侵微茫宜望風而罷警申錫自天
之寵榮疏易地之恩豈止疇庸是將趣覲蓋盜興東
海而勝之使及兵散潢地則龔遂歸沉漢庭方闕於
公卿諒唐制先求於督刺某世為北客今附編氓清
德有餘豈敢奉一盃之水惠心所及但當贖五袴之
歌欣抃于中敷宣罔既

與葛守判院立象啓

伏審帝眷樂効詔除循吏八邑之民有恃群州之楷
在斯恭惟某官才德兼優人門並妙仕路淹回久矣
衆所歎咨宸心特達知之親加擢用斗野不離於一
道星屏就駕於兩轡矧茲調字之頻展矣顧憂之切
惟弄印靡輕於畀付故懷章尤極於思榮師帥賢則
主德宣姑試承流之禮貌敢並他人觀前輩之風流

尚諧素志其為欣懌未易敷云

與趙守直閣 不溢啓

伏審帝眷樂効詔除良牧八邑之民有侍群州之楷
在斯恭惟某官忠恕得於天資才猷周於世用丁年
官達繇閭李之智聞頻歲外遷以循良而表見日最
膺三接入預九卿羽儀天朝方資祭酒之舊德屏蔽
王室復賴維城之焦功惟出處之俱宜非親賢而孰
稱既屢書於課最即高步於禁金某掃軌倫安淮園
自給竊寓公之禮貌敢竝他人觀前輩之風流尚諧
素志某為欣懌未易敷云

乾道元年

謝生日詩詞啓

已孤多難久一死以無求不學少文美久生而安用
豈謂某官因錫名之初度特取義於斷章驟觀玉振
以金相徐讀文從而字順曳縱以歌商頌慚無曾子
之聲詩而至蓼莪空有王褒之涕敬藏篋笥永賁子
孫

答胡邦衡啓

某竊惟三有樂之君子俱存為先四無告之窮民幼
孤為重自憐薄命寔感格言每值主朝不知死所對

鍾粟而養弗湘清集則那聞蓼莪而涕自流妙詎何
有豈謂某官以貴下賤以賢下愚讀雙玉瓶屈千金
諾更推孔子之忠恕歷斜姬公之太平清談疊疊而
而不窮雖難華端之口華緒延延之太遠恐傷月且
之訐然念無言不疇有倡斯和載惟鼎族時乃相陶
典其借異代以禱祈局若那 聖朝而揚摧文恭之
遇仁祖僅登二府之班全天之事泰陵止轄中臺之
政孰云吾相乃在我公况虛左以喻時豈居東之可
文堤沙一築甌脫四空二百載而中天適符興運三
千臣而同德未帥群公入衣冠宰相世系之表茲為

公論非日私言 云云

答新江東提刑趙巨閣 公稱啓

伏審榮易皇華顯趨嚴召循良進擢慶賞公明恭惟
某官篤學取務空言誠心樂施實飛踐揚三紀未嘗
興歎於積薪鎮撫數州所至必封於嘉木再臨贛水
尤著治聲究冕恩其姓名縉紳誦其留滯有謀猷乃
順於外况宣布之久勤非仁義不陳于前宜論思之
具賴繇北遙魯邦之兩社豈惟陪舜牧之四朝某昔
望虛頭之槩而身莫前今瞻鷓首之颿而足不進河
雖廣矣寧無一葦之可抗風輒引之坐覺三山之頽

遠方裴回而挾刺蓋繾綣以貽書但深感悵之懷莫
究頷言之素

與郭贛州 契敷 啓

占風濤之色期鷓首之上征聞道路之言乃審騎頭
之通邁失殆同於交臂悔何及於噬臍遙想襟帷倣
開幕府民安新政神介多祥恭惟某官閤學家傳直
方自信明足以知人之疾苦智足以擿吏之姦欺間
被異恩擢臨近輔方善教德民而報上會庸夫挾貴
以察州暫洎讒波罷季布河東之召倣回宸渥復子
松鴈門之躋眷此雄藩足施敏手政儻成於五月缺
定補於九卿某方引分以歸耕豈馳辭而為倭因與
頌之如此恃交情而有云惟意之勤非勤非言可喻

答李監酒 次魚 啓

戲提健筆優取舊醴波濶之獨老成豈應遺恨盡手
而看前輩果復擅揚吉語播揚鄉評稱慝恭惟某官
體兼四業用足三冬自合丁年馳駿馬而就熟路胡
為半世著美名而負屈稱蓋厚積者可適南冥而晚
成者始為大器必也年高而德邵自然蔭宿而意新
舉筮庫之士七十家無愧外臺之歲貢上公車之書
三千牘即聞廣殿之臚傳步武之亨權輿于此某頌

風自昔披贊有初秋彌在天難老先生之逸興春風
得意想前進士之後遊既覺心降遂忘辭費

答李本中保義李宜中解元啓

弟兄獻藝臺府登名方剛車分道而行各當一面逮
吉語同時而至實允庶言某人厲志精動疑資溫裕
既擅通經之學亦高能賦之才自昔家齊爽已推於
二惠竭從入洛價不數於三張負此雋聲難乎嘉趣
用公山而擢正禮前後適同舉侯喜而知雲長衣冠
增勸行唱廷中之第歸為膝下之榮某特枉高軒寵
貽巨軸雖籀鴈序已觀秋漢之聯飛鞞鞞棣華更後

春郊之並秀其為欣頌未易名言

答郭贛州賀冬啓

候舒長之日知平太之無愆瞻迎送之雲驗循良之
有勛共惟某官明超龜之蔡政捷蒲盧開藩歲月之
幾何闔境歌謠之籍甚順迎陽復參媿時和豈徒榮
祿之其膺蓋亦祥之總集登觀臺於魯國始追視朔
之儀款圓墜于周郊終贊事天之禮某所逢小至仰
祝大未體號五雲愧難當于華翰令休一哭帳莫奉
於清觀

回南安視知軍深啓

唐文公文集 卷之三 一百四十一
漁竿遠去久浪迹於煙波騎吏寔未辱等聲於獄牧
惟未忘一日之雅故不吝五雲之書於以鳴謙亦將
敦薄共惟某官儒雅漢之循良惠柔周之良翰濟民
以政而何事乘輿摘伏以明而豈資吏鉅平心共理
有衆率孚紛多譽之轉聞亶四聰之簡在郡守者民
之師姑紆組以少留王朝者後之庭既牽絲而入侍
某傾心盛德屈指召期逢驛使而寄嶺梅意殆踰於
縞與識歸舟而辨江樹日溪俟於撒迎

答士人謝解啓

伏審命鄉論秀士升之司徒辟吏獻賢書登于天府
聽月評之無間知秋賦之有光共惟解元先輩毓質
粹醇降才高邵學專為己朝為君子之儒仕欵及時
聊應主司之試春言茲士實異他邦家稷契而人欲
繇下視士鄉之十五德淵騫而文子夏倍獲門弟之
三千惟選於衆以甚難則拔其尤而可想麗矣騫雲
之雲緒壯哉倒峽之詞源鷲在秋天已播少雙之譽
鸚遷春谷即聞第一之傳某幸簪榮名振膺盛禮憶
敵姍之舊步尚覺槐忙誦瓊璫之新篇不勝偃感由
中積意詎言傳

文彙卷第二十三



